



Utangulizi katika Kulinda usalama

Kwa Mashirika ya Kijamii nchini Sudan Kusini

Nakala hii ya vidokezo inatoa utangulizi kuhusu kulinda usalama ni nini. Pia inaeleza baadhi ya hatua za kulinda usalama ambazo Mashirika ya Kijamii nchini Sudan Kusini yanaweka.

Kulinda usalama

Kulinda Usalama inaeleza hatua zinazoshughulikia dhuluma na madhara ambayo yanababishwa na wafanyakazi wa Mashirika ya Kijamii, programu na mawasiliano. Hii inajumuisha:

- Unyonyaji wa Kingono, Dhuluma na Unyanyasaji wa kingono (SEAH)
- Madhara na dhuluma zingine, kwa mfano kutelekezwa, madhara ya kimwili au kihisia

PSEA (ulinzi dhidi ya unyonyaji wa kingono na dhulma) na PSEAH (ulinzi dhidi ya unyonyaji na dhuluma na unyanyasaji wa kingono) pia ni maneno yanayotumiwa kurejelea hatua zinazochukuliwa kuwalinda watu dhidi ya unyonyaji wa kingono na dhuluma inayofanywa na wafanyakazi wa Shirika la Kijamii na programu. Ulinzi dhidi ya unyonyaji wa kingono na dhuluma haujumuishi unyanyasaji wa kingono.

Visababishi

Wakati Shirika la Kijamii linafanya kazi katika jamii, linaweza kufanya mifumo iliyopo ya madhara na dhuluma kuwa mbaya zaidi au kuleta aina mpya za madhara na dhuluma. Madhara na dhuluma zinazosababishwa na Mashirika ya Kijamii zinajumuisha:

1. **Dhuluma inayofanywa na wafanyakazi**, watu wa kujitolea au watu walio na kandarasi na shirika.
2. **Programu zisizo salama** au huduma zinaweza kufanya madhara yaliyopo kuwa mbaya zaidi au hata kusababisha madhara mapya ndani ya familia au jamii. Kwa mfano. Mivutano inaweza kusababishwa ikiwa haiko wazi ni kwa nini wanajamii fulani wanapokea bidhaa au huduma wakati wengine hawapokei.
3. **Mawasiliano yasiyo salama na vyombo vya habari** vinaweza kuleta usikivu mpya na usiohitajika. Hii ni hatari hasa wakati hadithi inashiriki maelezo ya kibinaksi, si ya kweli au inayokandamiza.

Mamlaka na kulinda usalama

Ikiwa mtu ana mamlaka zaidi, ana fursa zaidi ya kuwanyonya, kuwadhulumu na kuwanyanya watu wengine. Ikiwa mtu ana mamlaka kidogo, anaweza kulengwa zaidi katika unyonyaji, dhuluma na unyanyasaji. Kiasi cha mamlaka ambacho mtu anacho kinahusishwa kwa ukaribu na sababu tofauti:

- Ukosefu wa usawa wa kimiundo unaohusishwa na kwa mfano jinsia, mbari, ukabila, hali ya ulemavu, utambulisho wa kijinsia, mwelekeo wa kijinsia, jamii, tabaka.
- Uongozi ndani ya mashirika, kwa mfano, kati ya wafanyakazi wa ngazi ya juu na wafanyakazi wa ngazi ya chini na wafanyakazi wa kimataifa na wa kitaifa.

- Sababu za kihali, kwa mfano, mfanyakazi wa kibinadamu mwenye mamlaka ya kuamua ufikiaji wa msaada wa kibinadamu, kama vile chakula au pesa au vocha.

Ni nani yuko katika hatari ya madhara na dhuluma zinazosababishwa na Mashirika ya Kijamii?

- Wafanyakazi wa Mashirika ya Kijamii na mwanachama yeote wa jamii anayeingiliana na Shirika la Kijamii anaweza kuwa hatarini.
- Wanawake na wasichana wako hatarini zaidi. Watu wenye ulemavu na watu wanaokabiliwa na aina zingine za ubaguzi, kwa mfano, kwa sababu ya jamii yao, kabile au mwelekeo wa kijinsia, pia wako katika hatari kubwa zaidi.

Hatua za kulinda usalama zinahusisha nini?

- Wafanyakazi wote wa Mashirika ya Kijamii wana majukumu ya kulinda usalama. Wafanyakazi wengine wana majukumu zaidi, kwa mfano wafanyakazi wa ngazi ya juu, wafanyakazi wa Rasilimali Watu, wafanyakazi wanaotembelea maeneo ya programu.
- Hatua za kulinda usalama zinahitaji mtazamo wa shirika kwa ujumla. Hatua hizi zinaweza kutenganishwa katika maeneo matatu: kuzuia, kuripoti na kuitikia.

Kuzuia

- kujengadesturi ya kimashirika inayoelewa na kukuza kulinda usalama na kutoa changamoto kwa ukosefu wa usawa
- Kuunda sera, taratibu na kanuni ya maadili inayoendana na Shirika la Kijamii na muktadha
- Usimamizi wa hatari ya kulinda usalama
- Uajiri salama, kwa mfano, ukaguzi na marejeleo
- Mafunzo ya wafanyakazi kuhusu kulinda usalama
- Kubuni na kutoa programu salama pamoja na wanajamii
- Kukusanya idhini kwa ajili ya mawasiliano na kufanya hadithi kuwa halisi na ya kuwezesha

Kuripoti

- Kuunda mfumo kwa wafanyakazi wote wa kuripoti dhuluma, na mfumo wa shirika wa kuitikia
- Kuunda mikakati ya malalamishi ya jamii ili mtu ye yeyote anayeingiliana na Shirika lako la Kijamii aweze kuripoti dhuluma au tuhuma za dhuluma, na mikakati ya shirika ya kuitikia

Mwitikio

- Kutoa mwitikio ya haraka kwa tukio la dhuluma inapobidi, hii inaweza kujumuisha msaada wa haraka, kusaidia mwathiriwa au mnusurika kufikia matibabu au vituo vingine vya dharura
- Kujitayarisha kwa ajili ya uchunguzi na kuusimamia
- Kufanya uchunguzi ambapo wafanyakazi waliofunzwa wapo